



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonavno tužilaštvo Srednjobosanskog
kantona/Kantonavno tužiteljstvo Središnja Bosna
Travnik

Broj: T06 0 KT 0032727 23
Travnik, 10.03.2026.godine

OPĆINSKOM SUDU U TRAVNIKU
Sudiji za prethodno saslušanje

Na osnovu člana 45. stav 2. tačka i) člana 241. Zakona o krivičnom postupku Federacije Bosne i Hercegovine („Službene novine Federacije BiH“, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20 – u daljem tekstu „ZKP FBiH“), podižem:

OPTUŽNICU

Potvrđena dana 16.03.2026. godine

Protiv:
J.M.

Što je:

Dana 09.12.2022. godine, oko 23:00 sati u ulici Hrvatskih branitelja bb, općina Vitez, ispred ugostiteljskog objekta „Maestral“, teško tjelesno ozlijedio D. K., na način da je za vrijeme odigravanja fudbalske utakmice između reprezentacija Hrvatske i Brazila, koju je u navedenom ugostiteljskom objektu putem televizijskog prijenosa gledalo više osoba, među kojima su se nalazili S. M., M. Š., S. J., Z K., S. P. i oštećeni D. K., kojom prilikom su konzumirali alkohol, da bi u jednom trenutku u unutrašnjosti objekta došlo do verbalne prepirke između D. K. i B. P., a potom i do naguravanja između njih u što se umiješao J. M., vlasnik ugostiteljskog objekta sa namjerom da ih razdvoji kad je uzeo za ruku D.K. da bi ga izveo iz ugostiteljskog objekta čemu se D. K. protivio i odupirao, što je u jednom trenutku i uspio tako da su skupa izašli iz navedenog ugostiteljskog objekta gdje su se verbalno prepirali, a potom, iako je bio svjestan da oštećenom može nanijeti tešku po život opasnu tjelesnu ozljedu, što je i htio, glavom zadao jedan udarac oštećenom D.K. glavu uslijed kojeg udarca je oštećeni pao na tlo, a zatim ga nastavio udarati nogama po glavi, uslijed kojih udaraca je oštećeni zadobio tešku po život opasnu tjelesnu ozljedu u vidu nakupninu krvi (hematom), krvarenje u moždanom tkivu, u tjemeni potiljačnoj regiji, djelimičnu paralizu desne ruke i noge što je direktna posljedica krvarenja u mozgu i laku tjelesnu ozljedu u vidu nagnječenje poglavine,

dakle, drugog teško tjelesno ozlijedio i time doveo u opasnost njegov život.

Čime je počinio krivično djelo Teška tjelesna ozljeda iz člana 172. stav 2. u vezi sa stavom 1. Krivičnog zakona Federacije Bosne i Hercegovine.

Radi toga stavljam

ZAMJENIK GLAVNOG KANTONALNOG TUŽIOCA

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom